


穀城縣志



同治六年新刊

穀城縣志

校對無訛

穀城縣志

卷六
節烈

卷七
藝文

纂修穀城縣志序



我邑之有志所以紀歷代之因草山川之險要賦役戶口之數風俗物產之宜以及學校人文忠孝節義無不纖悉臚列備攷也穀城在周爲穀伯封邑在漢爲筑陽屬南陽郡至隋改筑陽爲穀城唐宋以穀城屬襄陽府以後歷代皆因之雖地處山陬穀城縣志卷一序一實爲襄陽之屏翰聲名文物史不絕書其有資於治理也豈淺鮮哉咸豐壬子之後楚省疊遭兵燹圖書典籍蕩然無存

前方伯厲以法守無據政令難施詳請

兩院憲與修省志飭各府州縣一例開局與修有者續之無者補之書成解省以備採取甚盛事也惟穀舊無志徧查採訪在

才易且經費無從籌畫以故各前任雖
素嚴飭皆以此置之同治丙寅承印委權
藁象稟辭之日

各大憲諳諳以志書一事飭卽纂修而承
印下車之始正當多事之秋鄰邦之風鶴
頻傳本境之防堵吃緊齊團練設炮船晝
夜防河不遑安處因亦無暇及此今春烽

穀城縣志

卷一

序

二

煙稍靖民氣粗安於是集邑中之紳耆文
士酌議開局興修之事亦以茫無把握創
始維艱爲慮邑增生王君二渠進曰是無
難邑先輩有王夢藜者積學士也雖隱逸
者流頗畱心當世之務亦以邑舊無志恐
一切典章久無所考曾手輯一編雖未詳
備而分門別類可資採取更有邑貢生安

月灘先生紀事詩歌一卷據實直書亦可
備考但夢蓀之書成於乾隆丁亥迄今將
近百年矣此百年中之政令文獻事蹟人
才尙須搜訪考覈耳余聞之躍然亟索而
讀之其間紀載之體煩簡之宜去取之公
未必盡無遺議然有此則易從事爰諏吉
開局延廣文蔣君琴舟邑孝廉黃君謹山
穀城縣志

卷一

序

三

秉筆採訪校讐經理度支則托少尹張君
吉甫及諸紳士分任之

承印

公餘之暇亦

時至局中相與攷證凡七閱月而告成夫
龍門蘭臺諸書及開元之十道志元豐九
域志盛宏之荊州記其紀載皆志乘之體
例以之辨物土記風俗彰闡幽光表揚先
烈類纂而登載之所以勵人心昭激勸也

承印猥以書生謬膺民社民間之疾苦文
教之振興靖地方而伐辰藝備邊防而嚴
申戍其有關於治理者恒兢兢焉次第舉
行而不敢稍懈况志乘爲邑人所觀感者
哉以舊無志諉之不可以經費難卸之尤
不可勉力舉行則多年未有之書藉以得
有定本然無夢藜之抄志終難措手得此
穀城縣志

卷序

四

一編搜羅採訪可以副

上臺之意可以昭令典之垂亦卽可以成
夢藜之志矣第書成創始遺漏定不能免
惟冀後之大雅重加修飾而潤色之卽以
此爲草創也可

是爲序時在

同治六年歲次丁卯小陽月同知銜署穀
城縣事長白承印佩之氏書



穀城縣志序

邑之有志猶國之有史也凡沿革山川田賦井里禮樂
文章忠孝節義莫不俱載以昭法戒而備輶軒典至鉅
也穀雖巖邑國封於周縣立於隋相沿至今未改爲邑
最古而志之專刻無聞洵屬憾事自前明邑令康琮創
爲草稿至

國朝盧雍考定成集經吳應元重訂厥後鄉先正王夢
葵引經援史抄志足見宏通安月灘別類分門詩志亦
徵典雅雖屢加纂輯迄未勒有成書且迭經兵燹殘缺

穀城縣志

卷一

序

失次魯魚混淆恐久而漸滅有志者奚所據而修明之
丙寅冬長白 承佩之父師來宰吾邑甫下車卽關心
邑乘因公務旁午未遑驟舉於是修城垣以固根本葺
衙署以壯觀瞻設團練以勤捍衛立節孝以闡幽光新
明倫堂籌賓興費以端士習以勵人材蒞任五月百廢
俱舉物阜民安邑稱大治丁卯夏復設局倡修縣志謬
以鉛槧屬 定夫作史之難江文通以爲無過於志非兼
才學識三長而又折衷於至當不能垂久行遠也 定材
同樗櫟詞乏珠璣率而操觚恐貽大方家笑固辭卒不

獲乃與 學師蔣琴舟邑增生王二渠及紳耆之淹雅者謀邑謀野同相考証續加采摭務求縷晰條分不汎不畧數百年未成之書閱數月而事竣明知聖漏之譏在所不免顧椎輪爲大輅之始素本爲繪畫之基後有作者化而裁之引而伸之補其缺飾其陋正其錯訛駁雜修飾而潤色之卽以爲草創也可

同治六年秋八月

道光甲辰

恩科舉人試用教諭黃定鏞謹

序



穀城縣志序

國家重熙累洽數百年天地著其精華山川呈其雄盛忠孝節義相繼而生禮樂文章燦然大備凡

教化所涵濡無不超越往古覓乎無以尙所以各省府州縣莫不各有志志也者將以洩宇宙之奇觀表人文之極盛旌別淑慝以昭茲來許者也穀城爲穀伯舊封筑陽故邑藩籬宛洛唇齒荆襄

天子命軍門大吏建節其地扼陝川之險要控江河之上流人物山川甲於襄郡而問及縣志則闕而不備自

穀城縣志

卷一

序

前邑令先後創爲草稿而邑內之事遺漏頗多俱未窺夫全豹長白 承佩之司馬來令茲土修明倫之堂復賓興之典文風振而登榜者有人固城郭之防製炮船之禦武備修而犯順者皆遠昭忠節孝祠宇重新書院科房公所畢建未及朞月百廢俱興乃以修志爲已任廣求往蹟博訪藏書得王夢藜先生抄志一部先生本筑陽宿儒成就後學數十輩輯省志府志並地輿水經諸書而撮其要苦心孤詣著爲縣志一書以未登棗栗爲憾又得安月灘先生詩志一卷大抵宗夢藜抄志之

旨編爲五言詩便於習誦一覽了然於今閱數十年法
度之變更人事之代謝風俗物產之易移又有古今迥
異之感不能不徵文考獻秉前人之著作參以今日之
規模凡設局數月而告厥成功夫修志亦未易言矣千
百年未成之書一旦成於數月之內其間所見異事所
聞異詞所傳聞又異詞非有定見確識以主持其間安
知不穿鑿附會作聰明以失其實耶幸任其事者皆考
據詳明訪諮確切信必有徵疑則可闕度幾備古今之
事以成一縣之書閱斯志也知名山大川之險當思何
以固其防查人丁戶口之繁當思何以制其產慕忠臣
孝子義士仁人之善當思何以立其型則志之有裨於
政治也豈淺鮮哉

時

同治六年歲次丁卯十月穀旦國子監學正銜穀城縣
訓導荆門琴舟蔣海澄謹序



縣志凡例

志之爲書以一邑之事蹟薈萃而成不得不分門別類使閱者了然有不必要分者則宜合疏以免絲棼之弊其不得不分者疆域山川古蹟賦役里社之類是也外此則宜從合可以類從者并入之疆域之下形勢附焉里社之下市鎮關梁附焉學校之下 文廟祀典書院附焉古蹟之下陵墓附焉官署之下公廨附焉壇廟之下寺觀各祀典附焉賦役之下積貯附焉兵衛之下驛舖附焉或合或分有條不紊庶不至有含渾之晒也

穀城縣志 卷一 凡例

邑之有志猶國之有史也穀邑向無志書王夢藜僅傳抄志安庭松但有詩歌率皆闕而不備茲編事屬創始多係訪聞一切荒唐不經之論概削而不錄仿之康對山武功志韓五泉朝邑志言簡而意該共分門四十二凡卷二十九其中不無關畧望閱者諒之地之有山川猶天之有星辰各有分野不可易移夫山有脈絡水辨源流倘僅列其名而不詳其景物山川有靈能無減色蓋蕤軍挺峙粉筑分流亦穀邑之大觀茲則一卷一勺咸開生面俾覽者可以臥游聞者亦如親履實爲游覽之一助云

錢糧屯田兵制各額均照舊冊載入歷年或有增減之處未能畫一暫照舊冊以俟考訂確實再加改纂

穀城古稱重地或封列爵或爲重鎮宦斯土者難以枚舉因陋就簡固不免掛一漏萬之譏務廣而荒又不免淆混錯雜之弊今輯職官一卷文武各官咸登姓氏其有善政宜民見危授命者列諸名宦以志景仰名人傳記有從詳者有從畧者其人史有本傳仍錄其舊史無本傳或采之碑乘或得之傳述總之采訪確實方敢載入至於現在人物不過盡其所知列諸編簡倘未經舉報則所知有限不得以闕而不備肆其

穀城縣志

卷一

凡例

二

譏評

穀邑屢經兵燹凡從前舉報忠孝節義各案多經焚燬茲將尙存者載入縣志其不存者由采訪一一補入其未經舉報者即無從考証俟後之君子再行補入此時遺漏之咎所不能免

節烈有傳非僅以請旌重也請旌之典歲一舉行而蓬茅嫠婦不克上達者豈鮮哉如必已蒙旌者方書則湮沒者必多而一寬其途又恐真偽之難辨故據舉報公牘加以訪察然後筆之匹夫立志即垂不朽以之風世厥繫匪輕可不慎與

藝文必有關於世道者方可采入凡抄志所錄及新采各詩均擇其尤雅者仍錄原本至於浮泛之詞與邑事無關繫未便俱載


義必詳其指歸體必推其創闢弁言卷首不爲贅詞今輯志者每門多加小序視爲不易之論翻成故套之文雖雕雋新語點綴麗詞恐札闕貽譏於義無取省之以避俗也亦以藏拙云爾

繪

圖

穀城縣志卷之二

疆域圖




穀城縣志

卷之一


圖

二

縣城圖



縣署圖



穀城縣志

卷之一

圖

三



聖廟圖

